

برنجی سنه * نومرو ۱۳ - ۳۰ شعبان ۱۳۳۰

— صالٰی —

۳۱ تموز سنه ۱۳۲۸ — ۱۳ اغستوس افرنجی سنه ۱۱۱۹

سر محرر : شهیندر زاده فلبه‌لی

احمد حلمی

محل اداره‌سی :

جفال اوغلنده « حکمت » اداره خانه‌سیدر .

حقه‌مقرون، اغراضدن سالم افکار ومقالاته صحیفه‌لر من آچیق‌در .

« HIKMET »

Journal ture, quotidienet politique

DIRECTEUR-PROPRIETAIRE :

A. HILMY CHEHBENDER

نسخه‌سی : ۱۰ پاره‌در



اداره مدیری : فلبه‌لی

محمد زهنی

اشترا بدلی :

برسنه‌لی ۹۵ ، آلتی آیلنی ۵۴ غروشدر .

پوسته اتحادینه داخل ممالک اجنبیه ایچون قرق فرانق‌در .

ABONNEMENT

un an : 95 piastres و six mois 54 p.

Union postale : un an, 40, six moi, 25 Fr.

Rédaction : Constantinople, Djagal oglou

نسخه‌سی : ۱۰ پاره‌در

حقیقه‌ خادم یومی غزته‌در

حاضره نك الجاسيله اداره عريفه يي اعلان ايمكه مجبور قالمشدر . حكومتك ، اهاليك حقوقى محافظه ايتكدن بشقه بر مقصدى اولديغه امين اولميسكيز . بونك ايچون مامورينك كوره جككيز هر برسوء استعمال و قانونسز لقي بيان و نشر ايتكده اصلا تردد ايتامكزي رجا ايدرم .

غالب بلك بيانات واقعه سى سامعين اوزرنده فوق الماده حسن تأثير حصوله كيترمشدر .

مباحث مفيدة

مكتب حربيده تحسسات

دون ، مكتب حربيده نك قلبه ، روحه طاتلى املار ، زبه ولاهوتى حساسلر القا ايدن يك شرفلى بركونى ايدى . اوراده ، آتى مجهول و بر اميدك مقدراتى آله آله جق ، وطنك اقبال استقبالى حاضرلايه جق ، شان عثمانى يي ، نام جليل عسكرى يي اعلا ايدمكك بر قافله منوره حشمت - آرانك بلند و ذى وقار ناصيه لرند . تجلى آله يي نخب احساساتى اوقومك ، كورمك نه بديع ، نه علوى بر ذوق و انشراح روحانى تشكيل ايديبوردى .

بركون اول ، صميمى بر آرقداشمك دعوتى اوزرينه ، اوقدر اوزله ديكم بويه شانى و تاريخى بركونى كورمك املهه مكتب حربيده ايركندن كيتمشدم . وفاكار دوستمك لطيف دلالت و معاونهه مكتبك هر طرفى طولاشمق ، كزملك ، سيراتمك نيم ايچن خاطره سى علوى غايت قيمتدار بر شرف اولدى .

اوزاقدن يك لطيف و نون بر منظره ارانه ايدن مكتبك داخلى درس خانه قوسنه كيركن ، قوريدورده بوسنه نك ماذونلرى محترم ضابط اقديلرك وقارلى بر كتله خالنده دولاشه رق ، صاف و نزيه سيالرنده كى انشراحلى حسارله يكد . يكرلرينه صاريه زق شتر ك بر صميمت مودتكارانه ايله قوجا قلاشمه لرى اخوت عسكرى يي اوقدر علوى بر لوحه شرفدار خالنده تمثيل ايليبوردى كه قلب ، اوعلويتك درين و سرمدى تاثير نوشيني آلتنده خاشعانه تيره ردى .

ديوانخانه ده قينجلكرك ، آثري برصدى سيمين ايله روحى اوقشان شاقيرديلرى يك طاتلى و جاذبه دار براه تراز ايله قولاغه عكس ايديبوردى .

مكتبك هر طرفى لوحه لرله ، سنجاقلرله تزيين ايدلمشدى . ايچريده ، مكتبك سقف فيضدارى آلتنده او واسع درس خانه لر ، تميز يتاقخانه لر ، اوزون ديوانخانه لر ، لطيف و روح آرا باغچه لر ، خلاصه هر جهت قلبى صفوتكار بر حس انشراح آلتنده مسخور و منجذب براقيردى . طيشاريدم بولر ، مكتب جوارى عظيم برجم غفير ايله دولمشدى .

وسطى ساعت اوچه دوغرو ذات حضرت پادشاهى ، متعاقباً ولى عهد سلطنت يوسف عز الدين افندى حضرتلرى ، شهزادگان حضراتى شانى تفكرلرله ، شمسك شعاعات زرينى آلتنده لمعان ايدن سونكولرله ، وقور و مهيب ، منظم بر وضعت احترام فرمود ايله صفيسته تعظيم و تجليل طوران عساكر هايون آره سندن بر حشمت و دبدبه - پيرا مرور ايتديلر .

كردونه هايون اوكنده بر بولوك مزارقلى سوارى عسكرى ، روحى مجلوب تماشا قيله جق بروقار لوندانه ايله بويوك بر سطوت ارانه ايديبوردى .

كوزل بايراقلرله مزين واسع مكتب باغچه سنده رسم بهين تخليف باشلامشدى . هر كس مقتون ، مسخوره تماشايه قوربولدى . مكتب حربيده آلاينه مخصوص اولان لوى آل ذى احتشام اوكنده تدريسات عسكرى ناظرى توفيق پاشا حضرتلرى يوكسك بر صدا ايله تخليف صورتى اوقوركن بوسنه مكتبدن نشئت ايدن كنج ضابطلر يي عيني صدائى حماسه و آوازده صداقله اوني يكرزبان اوله رق ، تكرر ايتديلر .

اردوى عثمانى بويوك قوماندان ذيشانى ، مكتب حربيده اوستنده كى دائره هايونلرى بالقوننده بوليبوردى .

رسم تخليفدن صوكره فاتح درس عاملرندن مصطفى شوكت افندى طرفندن قرائت ايديلن بليغ و مؤثر بردعانك ختامى متعاقب مكتب موسيقي سى زنه باشلادى . لطيف ، جافزا موسيقى آهنگلرى هوانك سكوت دلپذيرى ايچنده دالته لانه رق قلوب حاضر و نه نشسته ، حظ و انشراح و يرمكده ايدى .

ذات حضرت ملوكانه ، دائره هايونلرنده جنتمك سلطان عبدالمجيد خان حضرتلرينه مخصوص قنابه ده اخذ موقع ايدمكك نون و قيمتدار بر خاطره مجله اولمق اوزره ديپلومالرى دست هايونلرله توزيع و بر ذى قيمت مكافات اوله رق ، ابراز لياقت ايدن افنديلر مع قوردون آتون ساعت اعطا بيبورديلر .

بر مدت استراحتدن صوكره رسم كچيد اجرا ايدلمكه باشلادى . كنج ، قهرمان ضابطان اقتيدلردن مركب بر قافله ذى سطوت طرفندن بوشانلى ، مهيب رسم عسكريده ابراز ايديلن انتظام و موفقت سينه يي فخر و غرورله دولد بيريور ، قلبى آثري بر ذوق و ابتهاج ايچنده براقيردى .

اوخ ! نيم عسكركك حضور حشمتنده دويديم تجيلكار حرمت و تعظيم حسارى شو محيغه لرده بر قاج دقيقه يشاتمق ايچن قلمى آله آيركن بوهرجائى آلت نقش و تصوير بر عجز محجوبيه تيكارانه ايله تيره يور .

بويوك ، ميجل عثمانليق ! سن دائما يشايه جق ، ذى شان وشوكت ، دائما ، دائما يوكسه لكسك !

جفال اوغلى - ۳۰ تموز ، ۱۳۲۸ -
محكمه لى زاده
احمد جودت

مطبوعات

(جيبورنالا ديتاليا) غزنه سنك ۶ اغستوس ۱۹۱۲ تاريخى نسخهنده « صلح مذاكراتى حقه ده دوران ايدن حكايله رك اساس حقيقى » سر لوحه سيلاه نشر اولنان باش مقاله :

سعيد پاشانك زمان اداره سنده درسعادته مناسبات ، اقتصاديه سى اولان مالىوندن بر ذات بالقان حكومتلرندن برينك بساپورطنى حامله درسعادته دخوله موفق اوله رق زمين مذاكراتى حاضر لاملق ايچون هيئت وكلاى سابقه ايله ملاقى اولمش ايايسه ده نتيجه ده هر ايكى حكومتك طرابلس حاكميتدن فراغت ايتديكى جهتله تشبثى ، عدم موفقيته دوچار اولمش و انجق اسويچيره ده طرفينجه اعزام اولنه جق مامورين مخصوصه نك ملاقى اوله يلمه سنى

تأمين ايدم بيلمشدر . ايتاليا حكومتى بوخصو- صده نظار سابقه دن (فوزيتاتو) ايله (برتولنى) يي انتخاب ايتمش و (برتولنى) يي مطالباتده اصراره و (فوزيتاتو) يي حلم و ملايمته اداره امورده مامور ايتمشدر . عثمانى مرخصلرى فوق العاده بر مهارت سياسيه مالاك اولماقيله برابر حاكميت خصوصنده تدابير دسيسه كارانه اختراع ايله صورتا حاكميتى قورنارمق ايچون بر جوق شكل و ترتيبار تكليف ايتمشله ده (فوزيتاتو) نك ملايمتدن زياده (برتولنى) نك اصرارى غلبه چالهرق مذاكرات برنجى ماده اطراقده جريان ايتكده ايكن سعيد پاشا قاينه سى سقوط ايتمشدر . موقع اقتداره كن هيئت جديده و كلانك ظن ايتديكمزه كوره صلحه سلفندن زياده متمايل و مهيا اولدينى حالده اليوم مسائل مهمه داخليله ايله مشغول بولمى حسييله بوخصوصه حالا هيچ بر تشبده بولمدينى صورت قطعيده بيان ايدم بيليرز .

عثمانى اردوسى قاجاز

(آواتى) غزنه سى ۷ اغستوس ۱۹۱۲ تاريخى نسخهنده زواره اشغالى تدقيق ايدمكك ايتاليا عسكرينك شهرى بوش بولمى تركرك فرار ايتديكنه دليل اولمدينى ، بالعكس عثمانى اردوسنك شهرى بو صورتله تخليه ايتميه ايتديكى برده و ايتديكى وقت ايتاليا نلر اوزرينه منتظم بر هجوم اجراسنى تأمين ايتديكى سويليور .

پرووانك مطالعه سى

« پرووا » غزنه سى بويوكى نسخهنده (قوجانه) حادثه مؤسفه سندن بحث ايتديكى صره ده ديوركه :

حكومت حاضر نك بو حادثه مؤسفه حقنده تحقيقات اجراسى ايچون اعزام ايتديكى هيئت مخصوصه تحقيقيه بلغار غصيرنه منسوب سلايك استيناف محكمه سى اعضاسندن امانويل لايچف افندى يي دخى تعيين ايتمى بوبابده كى تحقيقاتك جدى و بيطرقانه بر صورتده اجراسنه طرفدار اولدينى كوسترييور .

اكسار خخانه ده دخى بوبابده ديكر بر هيئت مخصوصه اعزامنه مساعدده ايدلمى حكومتك بو ارزوى صميانه سنى بر قاندها تايد ايديبور . حادثه مؤسفه نك اجرا ايتديكى سوء تأثيراتك ازاله سى بحق حكم عدالتك جدى بر صورتده تطبيقيله ميسر اوله بيلور . حكومتجه بو كى تدابير جدية اخذى هم مملكته و قار وحيثيتى هم ده هيجانده اولان افكار عموميه نك تسكينه ، خدمت ايدر ورده ايلورده بو كى وقايع مؤلمه نك تكررينه مانع اولور .

حكومت بو كى تدابير اتخاذ ايتمكه يالكيز وظيفه سنى ايضا ايتمش اولماز . حكومت مملكته كيرمكده اولدينى شو بجران و خيم ائناسنده عناصر مختلفه نك تمايلات صميانه سنى محتاجدر . بو تمايلاتده آنجق عادلانه بر سياست تطبيقيله موفق اوله بيلور . اتحاد و ترقى حكومتى دخى اشتب و قعسه سى اوزرينه اشتبيه بر تحقيقات قوميسونى اعزام ايتمشدى . لكن حكومتك اك صادق طرفدارانندن مركب اولان بوهيئت ، ائساي وظيفه ده حكومت محليه نك خطالرينى ممكن مرتبه ستر ايتمك خصوصنده صرف ايتديكى مساعيدن بشقه بر شينه يارامدى .

توركيه بحرانك تاثيراتى

(نويه فرياه برمه) دن :

توركيه بحران حاضرينك درجه مهلكى زائل اولدينى و اتحاد جيلرك مأيوسانه بلانلرينى بر طرف ايتكلىرى ، آرناوودلرك ايسه بر ائتلاف عقد ايدم جكلرى استانبول محافلنده ظن و اميد اولتيور .

آرناوودلرك بوگونه قدر رسماً وقوع بولان مطالباتى مبالغه لى دكلدر . آرناوودلر ، باشليجه ، شامى و جنوبى آرناوودلرده ملىتك ولسانك رسماً طائمانسى ، تدريساتك لاتين حروفاتيله اولمق اوزره مكاتب تأسيسى ، طرق انشاسنى ، بويگونه قدر دوام ايدن اصول اداره نك تبدلى طالب دلر . يكي قاينه دن نمون اولوب اولمقلرى پرشتمده هيئت اصلاحيه ايله آره لرند جريان ايدمكك مذاكراتدن كلاشيله جقدر . اداره سابقه ده شامى آرناوودلرك قبائلى ، بر مختاريت واسعه ايله اداره اولمقلرى ايچون ، شمى بونلرى شرائط حاضريره آليشدرمق يك مشكلدر . جمعيت آرناوودلرك بومائيلنى قيرمق ايتيبوردى . آرناوودلرك مطالباتنده بر تناقص واردر .

مثلا پرشتمه مبعوث سابقى حسن بك ، توركيه اداره سى آلتنده بر نوع اسويچيره اداره سى ايتيبور . بالطبع بويه براداريه نائل اولمقلرى تقديرده حكومت سنيه مطيع قالاچقلردر . عثمانى حكومتى بتون موجوديتلرى ايله محافظه ايلك اخص امللرى اولدينى بيان ايتمشلردر . بلغراددن بويكون آليديغمز بر تلغرافنامه به نظراً آرناوودلرده ياشايان صرب اهالى ايله ده اوزلاشه جقلردر . انگليز غزلرندن برينك پترسبورغدن آلدنيى معلوماته نظراً صربيه - بلغارستان آره سنده تدافى بر اتفاق عقد اولمدينى خبرى تايد ايديبور . حكومت عثمانيه توسيع اراضى آرزولرى اصلا پرورده ايتمديكى ايچون بلغارستان و صربستان دولتلرى توركيه حدودنده ياخود شامى آرناوودلرده حصوله كله جك وقايعك عكسى تاثيرندن مدافعه نفس ايچون مذكور معاهده يي عقدايتمش اولسه تر كر كدر . قوجانه حادثاتى بلغارستانده بر تاثير عظيم حصوله كيترمشدر . مع مافيه حكومت اهاليك مفرط حساسيته قابيله رق ، تهلكلى حركتلردن (يعنى توركيه ايله محاربه ايتمكدر) اجتناب ايديبور .

قره طاغ - توركيه حادثه سنك حلى ده يقين در . انگلتره و روسيه بوبابده چتينه حكومتى نژدنده حسن تشبثاده بولمشدر .

مقباة

حكومت حاضر نك دواى

نويه فرياه برمه غزنه سى فراقفورتن يازيبور : استانبولدن فراقفورتر چابتنوغ غزنه سى اشعار اولنديغه نظراً اتحاد جيلر حكومت حاضر نك دوام ايدم جكندن شبهه لتيورلر . فقط بويكون افكار عموميه اتحاد و ترقى جمعيتك علمينده بولمدينى ايچون بر عكس اختلال حصوله كيترمكدن اجتناب ايديبورلر .

جاويد و طلعت بكلكر هنوز سلايكه كيتمده دن در دست اولمىنى نظاردن بعضيسى تكليف ايتمش ايسه ده حربه ناظرى ناظم پاشا بوفكره مخالفت كوسترمشدر .